

02/02/2022

STATUTI I SHOQERISE TREGTARE ME PERGJEGJESI TE KUFIZUAR
“ProSafety” shpk

Bazuar ne ligjin nr. 9901, date 14.04.2008, “Per Tregtaret dhe Shoqerite Tregtare”, te ndryshuar

Ne kete statut:

- “Ligji” eshte Ligji nr. 9901, date 14.04.2008, “Per Tregtaret dhe Shoqerite Tregtare”, i ndryshuar
- “Statut” eshte statuti i shoqerise

**KREU I:
ORTAKET, EMERTIMI- OBJEKTI- SELIA- KOHEZGJATJA**

NENI 1 Ortaket themelues

Shoqeria me pergjegjesi to kufizuar "ProSafety" sh.p.k, krijohet nga ortaket themelues si me poshte:

- Ortaket themelues Bledar Allko, i biri i Safet, lindur me 24.12.1989, ne Librazhd, madhor dhe me zotesi te plete juridike per te vepruar, mbajtes i kartes se identitetit numer I91224013P.
- Ortaket themelues Roland Sulaj, i biri i Agron, lindur me 09.05.1992, ne Tirane, madhor dhe me zotesi te plete juridike per te vepruar, mbajtes i kartes se identitetit numer J20509107S.
- Ortaket themelues Ada Hoxha, e bija e Shkelqim, lindur me 14.09.1984, ne Tirane, madhor dhe me zotesi te plete juridike per te vepruar, mbajtes i kartes se identitetit numer I45914001M.

NENI 2 Emertimi dhe Forma Ligjore

2.1 Shoqeria tregtare eshte shoqeri vendase dhe emertohet "ProSafety" shpk, emertim i cili do te jete i stampuar dhe ne vulen e shoqerise.

2.2 Forma ligjore

Shoqeria eshte e formes me pergjegjesi te kufizuar (sh.p.k.), ne baze te ligjit nr. 9901, date 14.04.2008, “Per Tregtaret dhe Shoqerite Tregtare”. Shoqeria mund te shnderrohet ne nje forme tjeter me vendimin e Asamblese se Ortakeve sipas parashikimeve ligjore te ligjit nr. 9901, date 14.04.2008, “Per Tregtaret dhe Shoqerite Tregtare”.

NENI 3 Selia e shoqerise

Selia e shoqerise eshte ne adresen: Tirane, njesi me siperfaqe 26 m², ne katin perdhe te objektit, ndodhur ne ZK. 8310, nr. pasurie 10/318, vol.21 fq.119.

Shoqeria ka te drejte te krijoje dege, filiale dhe/ose zyra perfaqesimi ne te gjithe territorin e Republikes Shqiperise ose jashte saj. Me vendim te Asamblese se Ortakeve, mund te krijohen ose anullohen (ne rast se jane celur), seli, filiale, agjensi dhe perfaqesi si ne qytete te tjera te Shqiperise dhe jashte saj. Njesite e tjera strukturore te shoqerise si dege apo perfaqesi dhe jashte shtetit krijojen kur nje gje te tille parashikon dhe lejon dhe legjislationi i vendeve te huaja, normat e se drejtes nderkombetare private dhe parimet e reciprocitetit tregtar mes vendeve te ndryshme.

NENI 4 Objekti i shoqerise

Shoqeria do te kete si objekt te veprimtarise te saj:

Tregtimi me pakice dhe shumice, duke perfshire te gjitha aktivitetet e importit, eksportit. Tregtim i veshjeve te punes, uniformave, pajisjeve te mbrojtjes personale, mjete pune, sistemeve te sigurise, aparateve mites, sitemeve te monitorimit, vegla pune, pajisje per mbrojtjen dhe sigurine ne pune ndaj rreziqeve fizike, biologjike, kimike, ergonomike, sisteme per mbrojtjen e mjedisit etj.

Shoqeria do te zhvilloje cdo veprimtari ekonomike te ligjshme sipas licenses se dhene nga organet kompetente si dhe cdo veprimtari tjeter ekonomike qe do te konsiderohet e nevojshme dhe e dobishme per realizimin e qellimit te shoquerise e qe nuk bie ndesh me legjislacionin shqiptar ne fuqi.

Shoqeria do te respektoje te gjitha ligjet dhe rregulloret qe kane te bejne me aktivitetin e saj. Kjo nenkupton praktikat me te mira te etikes.

Per te realizuar qellimet e saj Shoqeria do te bashkepunoje me persona fizike dhe /ose juridike, vendas ose te huaj.

Objekti i shoquerise mund te ndryshoje, te zgjerohet ose te pakesohet ne baze te vendimit te Asamblese te Ortakeve.

NENI 5 Kohezgjatja

Kohezgjatja e shoqërisë është e pakufizuar.

NENI 6 Kapitali

Kapitali themeltar i shoquerise eshte 10.000 (dhjete mijë) leke.

Pjesemarrja e themeluesve ne kapitalin e shoquerise eshte ne perputhje me kontributet e meposhtme:

- Ortaket themelues Bledar Allko: Zoterues i nje kuote me vlore te per gjithshme 3,800 leke qe perben 38 % te kapitalit themeltar te shoquerise;
- Ortaket themelues Roland Sulaj: Zoterues i nje kuote me vlore te per gjithshme 3,200 leke qe perben 32% te kapitalit themeltar te shoquerise
- Ortaket themelues Ada Hoxha: Zoterues i nje kuote me vlore te per gjithshme 3,000 leke qe perben 30 % te kapitalit themeltar te shoquerise

Ortaket kane pavaresi ligjore, organizative si dhe të drejta pronesie mbi cdo lloj kapitali, mjete xhiroje si dhe mbi cdo lloj pasurie tjeter të fituar ne rruge të ligjshme. Shoqeria per gjigjet vetem me kapitalin e saj.

NENI 7

Shoqeria e zhvillon veprimtarine e saj tregtare ne perputhje të plete me Legjislacionin Shqiptar ne fuqi si dhe mbi bazen e Statutit të saj.

KREU II KUSHTET EKONOMIKE

NENI 8

Shoqeria cel llogari bankare ne monedhen vendase dhe cdo lloj valute, ne Banka vendase ose të huaja, private apo shteterore, me qellim per të kryer veprimet e nevojshme per ushtrimin dhe perballimin financiar të aktivitetit të saj.

NENI 9

Pjeset e kapitalit themelor, jane lirisht të transferueshme ne rruge trashegimie sipas dispozitave të Kodit Civil.

Pjeset e kapitalit themeltar mund te transferohen vetem me akt notarial. Pjeset e kapitalit themeltar jane lirisht te transferueshme ndermjet ortakeve te shoquerise.

Pjeset e kapitalit themeltar mund t'u transferohen personave te trete qe nuk bejne pjese ne shoqeri vetem me miratimin e shumices se ortakeve qe perfaqesojne te pakten 50% te pjesave te kapitalit themeltar dhe ne perputhje me nenin 10.

NENI 10

Me vendim të ortakeve te shoqerise, shoqeria mund të zgjeroje aktivitetin e saj tregtar dhe ne drejtime të tjera të cilat jane me interes per mbarevajtjen e shoqerise.

KREU III ORGANET DREJTUESE TË SHOQERISE

NENI 11

Asambleja e per gjithshme eshte Organi me i Larte Drejtues dhe Vendimmarres i shoqerise dhe ajo ushtron të gjitha kompetencat qe i njeh ligji "Per shoqerite tregtare".

Asambleja e per gjithshme mund t'ia delegoje kompetencat administratorit të caktuar prej saj sipas parashikimeve ne Statut.

NENI 12

Shoqeria do te administrohet nga një Administrator i Vetem.

Administrator i shoqerise "**ProSafety;**" sh.p.k. eshte Z. Bledar Allko, shtetas Shqiptare, i biri i Safet, lindur ne Librazhd, Shqiperi me 24.12.1989, banues ne Librazhd, 10 nentori, 3402 mbajtes i Leternjofimit numer I91224013P, me një afat emerim 3 (tre) vjeçar.

Administratori emerohet dhe shkarkohet nga Asambleja e Pergjithshmene me shumice te thjeshte.

Administratori qendron ne detyre deri ne revokimin e mandatit te tij nga Asambleja.

Administratori mban individualisht per gjegjesi perballë shoqerise ose te treteve per shkeljet e mundshme te ligjit dhe/ose te Statutit apo per faje te kryera gjate administrimit te shoqerise.

Administratori mund te zevendesohet ne cdo moment me vendim te autoriteteve gjyqesore shqiptare per shkelje te ligjit.

Administratori ka te gjitha kompetencat per te vepruar ne marredheniet me te tretet ne emer te shoqerise, ne te gjitha rrethanat me perjashtim te kompetencave qe ligji ua njeh shprehimi ortakeve. Perfaqesimi i shoqerise ne marredheniet me të tretet si brenda dhe jashte shtetit si rregull i per gjithshem i perket Administratorit te shoqerise.

Administratori:

- i. kryen të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
- ii. përfaqëson shoqërinë tregtare;
- iii. kujdeset përmbytjen e saktë e të rregullt të dokumenteve dhe të librave kontabël të shoqërisë;
- iv. përgatit dhe nënshkruan bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqet këto dokumente përparrë asamblesë së përgjithshme për miratim;
- v. krijon një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- vi. kryen regjistrimet dhe dërgon të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- vii. raporton përparrë asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
- viii. kryen detyra të tjera të përcaktuara në ligj dhe në statut.

Paga e administratorit percaktohet me vendim te Asamblese se Ortakeve.

NENI 13

Thirrja dhe zhvillimi i mbledhjeve

Mbledhjet zhvillohen ne seline e shoqerise ne territorin e Republikes se Shqiperise por mund te zhvillohen dhe jashte selise.

Njoftimi (lajmerimi) kryhet me shkrim, me telegram, me leter rekomande, poste elektronike (e-mail) ose poste tjeter te regjistruar, jo me vone se 7 dite perpara dates se zhvillimit te mbledhjes. Lajmerimi permban daten, vandin, oren dhe rendin e dites se mbledhjes. Lajmerimi behet nga administratori i shoqerise.

NENI 14

Asambleja e përgjithshme është përgjegjëse për marrjen e vendimeve për shoqerinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për administratorin, likuiduesit, dhe të ekspertëve kontabël të autorizuar;
- dh) mbikëqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorit;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.

Asambleja e përgjithshme e shoqerise ka edhe keto të drejta dhe detyra kryesore:

Të marre pjese ne drejtimin dhe administrimin e gjithanshem të veprimtarise ekonomiko tregtare të shoqerise dhe të cdo veprimtarie tjeter të saj, kur ajo ushtrohet ne perputhje me Ligjet, dhe Statutin e saj.

Të kerkoje dhe t'i jepen të gjitha informatat qe kane të bejne me gjendjen tregtare dhe financiare të veprimtarise se shoqerise, si dhe i të gjitha dokumentave të perpunuara nga shoqeria;

Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo person i tretë. Administratorët e shoqërisë nuk mund të veprojnë si përfaqësues të ortakëve në asamblenë e përgjithshme. Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëjtin rend dite.

Ne rast vendimesh te zakonshme, Asambleja e Pergjithshme mund te marre vendime te vlefshme vetem nese jane te pranishem ortaket zoterues te me shume se 30% (tridhjete perqind) te kuotave. Nese Asambleja e Pergjithshme nuk mund te mblidhet per shkak te mungeses se Kuorumit ne thirrjen e pare, Asambleja e Pergjithshme mund te mblidhet perseri me te njejtin rend dite brenda dhe jo me vone se 30 (tridhjete) dite nga thirrja e pare. Ne rast vendimesh te zakonshme, keto te fundit merren me voten pro te shumices se ortakeve te pranishem apo te perfaquesuar.

Asambleja e Pergjithshme mund te marre vendime te zakonshme per çështjet e mëposhteme:

- (a) Percaktimin e politikave tregtare;
- (b) Emerimin dhe shkarkimin e administratorit, eksperteve kontabel te autorizuar dhe likuiduesve;
- (c) Miratimin e shperblimeve per personat e permendor ne piken b;
- (d) Miratimin e pasqyrave financiare vjetore dhe te raporteve te ecurise se veprimtarise;

- (e) Perfaqesimin e Shoqerise ne gjykate dhe ne procese te tjera ndaj Administrimit dhe/ose Administratorit;
- (f) Çdo çeshtje tjeter te percaktuar nga Ligji apo Statuti.

Vendime te Jashtezakonshme

Ne rast vendimesh te jashtezakonshme, Asambleja e Pergjithshme mund te marre vendime te vlefshme vetem nese jane te pranishem aksionaret zoterues te me shume se 50% (pesedhjete perqind) te ortakeve me te drejte vote. Nese Asambleja e Pergjithshme nuk mund te mblidhet per shkak te mungeses se Kuorumi ne thirrjen e pare, Asambleja e Pergjithshme mund te mblidhet perseri me te njejtin rend dite brenda dhe jo me vone se 30 (tridhjete) dite nga thirrja e pare. Ne rast vendimesh te jashtezakoneshme, keto te fundit merren me voten pro te $\frac{3}{4}$ (tre te katertat) e ortakeve te pranishem apo te perfaqesuar.

Asambleja e Pergjithshme mund te marre vendime te jashtezakonshme per çeshtjet e meposhteme:

- (a) Ndryshimin e Statutit te Shoqerise;
- (b) Zmadhimin ose zvogelinin e Kapitalit;
- (c) Shperndarjen e fitimeve vjetore;
- (d) Riorganizimin, shperndarjen, shnderrimin, bashkimin, shkrirjen, ndarjen, prishjen apo likuidimin e Shoqerise, ose riorganizimin e Shoqerise ne nje forme tjeter;
- (e) Cdo ceshtje tjeter te percaktuar nga Ligji apo Statuti.

NENI 15

Asambleja e Ortakeve dhe administratori i shoqerise, ka të drejte qe per nevojat e ushtrimit normal të aktivitetit të shoqerise, të marrin ne pune shtetas të ndryshem, duke lidhur kontrate sipas parashikimeve te legjislacionit ne fuqi si dhe ne pershtatje me rregullat e brendshme të disiplines teknike dhe të punes të caktuara nga vete Shoqeria. Kontrata te tilla do te nenshkruhen nga Administratori.

KREU IV

BILANCI, TË ARDHURAT DHE SHPERNDARJA E SHOQERISE

NENI 16

Viti fiskal fillon ne 1 janar dhe perfundon ne 31 dhjetor te cdo viti.

Per nxjerrjen e rezultatit kontabel të shoqerise, mbi bazen e aktivit dhe pasivit, ngarkohet nga Asambleja e Ortakeve nje ekspert kontabel i autorizuar.

NENI 17

Ekspertet kontabel te autorizuar

Auditimi i brendshem i Shoqerise do te behet nga eksperte kontabel te autorizuar, te caktuar per nje vit fiskal. Ekspertet kontabel te autorizuar emerohen nga Asambleja e Pergjithshme me vendim te zakonshem.

NENI 18

Nxjerra e rezultateve të Bilancit vjetor duhet bere me saktesi dhe duke respektuar të gjitha rregullat qe percaktohen ne Ligjin mbi Kontabilitetin dhe atyre të Sistemit të Taksave, qe jane të detyrueshme per t'u zbatuar nga cdo subjekt privat, qe ushtron veprimitari tregtare.

Kontabiliteti mbahet ne gjuhen Shqipe, ne monedhen Shqiptare dhe pasqyrohet ne librat perkates. Shoqeria mund te kete edhe llogari te vecanta ne valute. Shoqeria mund te marre financime nga ortaket, institucione financiare qe operojne ne Shqiperi ose jashte saj. Per kete qellim shoqeria mund te jape si garanci barre mbi pjeset e kapitalit ose sende te paluajtshme, me autorizim te Asamblese se Ortakeve.

NENI 19

Bilanci Kontabel vjetor miratohet mbi bazen e vendimit me shkrim nga ortaket, i cili jo vetem qe dokumenton miratimin e tyre por vendos ne lidhje me disponibilitetin e fondeve ligjore sipas nevojave të

zhvillimit të metejshem të shoqerise dhe garantimin e veprimtarise se rregullt të saj, duke pasur parasysh fondin e akumulimit, krijimin e fondit të vecante etj.

NENI 20

Të ardhurat neto (Dividenti) qe mbeten pas vecimit të fondeve ligjore të mesiperme dhe të atyre per shlyerjen e cdo detyrimi fiskal apo likuidimin e pagesave ndaj të treteve, mund te ndahen ndermjet ortakeve ne raport me pjeset qe ata zoterojne ne kapitalin e shoqerise.
Asamblea percakton pjesen qe iu takon ortakeve ne forme dividendesh.

NENI 21

Shperndarja ose prishja e shoqerise mund të behet ne cdo kohe dhe per cfaredo shkaku, edhe para plotesimit të afatit per të cilin eshte krijuar sic mund të jene:

- a) me vendim te Asamblese se per gjithshme
- b) Humbja e kapitalit ose pamundesa e vazhdimit të metejshem të veprimtarise se saj.
- c) me hapje e procedurave te falimentimit
- d) Kur plotesoher afati i caktuar per ushtrimin e veprimtarise tregtare.

Ne kete rast Asambleja e Pergjithshme merr vendim me shkrim ne të cilin parashikon menyren e likuidimit të shoqerise, duke caktuar 1 apo disa likuidatore dhe shenuar ne cdo dokument të nxjerre prej tij emrin e likuidatorit dhe emertesen shtese "Shoqeri ne likuidim e siper".

NENI 22

Afati i emerimit të likuidatorit, publikohet sipas kushteve qe parashikon ligji perkates duke specifikuar dhe dokumentat qe duhen depozituar ne Aneksin e Regjistrat Tregtar.

NENI 23

Cdo mosmarreveshje apo konflikt qe mund të linde gjate ushtrimit të veprimtarise se Shoqerise si rregull dhe per gjithesisht ortaket duhet ta zgjidhin me mirekuptim, ne te kunderten, kompetente per zgjidhjen e tyre jane Gjykatat Shqiptare.

NENI 24

Per cfare nuk eshte shprehur ne kete statut, do te rregullohet ne perputhje me legjislacionin ne fuqi dhe udhezimet plotesuese dhe të ligjshme të dhena nga Asambleja e Pergjithshme.

NENI 25

Ky statut u redaktua ne 7 origjinal ne gjuhen shqipe me permnjte dhe vlore te njejtë juridike.

THEMELUES TE SHOQERISE "PROSAFETY" sh.p.k.

ORTAKET THEMELUES

Bledar Allko

Roland Sulaj

Ada Hoxha